

中華民國七年九月十七日出版

中華民國七年九月十七日出版

京兆公報

第五十九期

星期二

● 國務院統計局統計月刊出版廣告 ●

本局統計月刊按月一冊現已出三期零售價洋二角定購全年者價洋二元半年一元一角外寄郵費每冊二分全年二角四分半年一角二分

代售處琉璃廠 中華書局 寶華堂 開明書局

本報招登廣告價目表

(刊資先繳長期另議)

每 期	一 頁	半 頁	四 分 之 一
元	元	元	元
三	五	八	一

● 注 意 ●

如郵匯不通之處可用郵票代價 (以三分之郵票爲限) 惟郵票以九折計算

京兆公報第五十九期目錄

命令

大總統令

公牘

本公署公牘

呈 大總統爲擇定國道修竣訂定名稱仰乞鈞鑒文

呈內務部呈復飭查武清縣丁瑞等呈請撤銷縣署處分丁斬庄廟產一案文

訓令平谷縣知事據視學兼視財政員張鶴浦呈送調查該縣地方財政報告書抄單令仰閱看文(附單)

訓令密雲縣知事據視學兼視財政員張鶴浦呈送調查該縣地方財政報告書抄單令仰閱看文(附單)

訓令二十縣知事本公署訂定改組京兆通俗教育講演員辦法仰即轉飭遵辦文(附辦法)

訓令師範學校中學校甲種農業學校准教育部咨國文科教員講解改削應令一員專任文

訓令宛平縣等十九縣知事據京兆清查官產處呈據大興縣分處呈報已革備役破壞旗租各戶留佃情形

請通令查辦仰即遵照文

訓令寶坻縣知事准督辦京畿水災河工善後事宜處咨本處現擬將平糶餘糧分撥被災較重各縣爲冬賑

之用仰即派員領運文(附辦法)

目錄

訓令大興等十九縣知事准教育部咨請造送五年度外人設立學校調查表仰即查填以憑彙轉文

訓令通縣知事准教育部咨僧人信然等捐貲興學准照人民請獎令發褒章仰即轉飭祇領文

指令懷柔縣知事呈送七年度學務計畫第二期進行說明書請鑒核備案文(附原呈)

指令永清縣知事呈為勸學所長晉蔭槐等熱心興學成績卓著請給獎文

指令永清縣知事呈為設置保安警察隊並籌的款文(附原呈)

指令霸縣知事呈據勸學所呈國民學校簡章擬增加一條請備案文(附原呈)

指令房山縣知事呈送七年度預算及造林計畫書等文(附計畫書)

指令京兆清查官產處呈據大興分處呈報已革催役破壞旗租各戶留佃情形請通令查辦文

指令永清縣知事呈為辛屯國民學校教員李正倫捐貲興學請給獎文

指令房山縣知事呈送改築女看守所及修補獄墻工程估計書文(附原呈)

指令昌平縣知事呈送更正七年度地方預算預計書文(附單)

指令永定河防局長呈報委令南六工管河縣佐張拱辰仍回本任文(附原呈)

指令永定河防局長呈報北六工管河縣佐陳鹿岑因事撤任遺缺請以陶文瀨借署並請加給委令文

(附原呈)

批劉文祥呈為准認款投標承充牙稅商人文

批畢業生林揚惠呈為文憑被劫請補給文

批寶坻縣人王維翰呈爲請勿派張萬芳爲寶薊中學校校長文

批張珍呈爲張發等侵地竊道請追契查究文

批盧長榮呈爲強紳賄盜扳良意圖詐財文

批良鄉縣區董蕭萬亨等呈爲再請援案照准酌撥學款添設警察文

批懷柔縣代表張九山等呈訴縣判違法濫押乞撤究文

批孟玉琦呈訴再懇令縣速逐劣丁王大當等情文

批武清縣人白玉澤呈爲隊長左齊芳縱兵毆辱良善請提訊文

京兆警備隊總司令處公牘

京兆警備隊總司令處訓令各縣知事實力整頓保衛團警察並與陸軍游緝隊聯絡以除匪患附發逐日會

哨報告表仰即填送文

京兆印花稅分處公牘

京兆印花稅分處訓令大興等十九縣知事嗣後請領印花應仿照固安縣領票手續辦理文

報告

視學員劉繼勳視察良鄉縣學務報告書

附錄

良鄉縣七年度地方歲入歲出預計書

第九十五期

目錄

四

◎ 命 令 ◎

大總統令 八月三十一日

任命鄒芬爲暫編奉天陸軍第一師步兵第一旅旅長關朝璽爲第二旅旅長此令

大總統令 八月三十一日

調任林鵬翔爲粵海關監督並兼充外交部特派廣東交涉員此令

大總統令 八月三十一日

任命王豐鎬爲外交部特派浙江交涉員此令

大總統令 九月三日

據閩浙援粵軍總司令福建督軍李厚基電呈據副司令童保暄電稱所部步兵第一團團長陸軍少將陳肇英於本月二十八日率所帶五百餘人降逆請褫奪官級勳章通緝擊辦等語陳肇英著即褫奪官職暨勳獎各章著各路軍隊一體嚴緝擊辦以肅軍紀此令

大總統令 九月三日

內務總長錢能訓呈准甘肅省長陳署安肅道道尹楊丙榮因病辭職楊丙榮准免署職此令

大總統令 九月三日

任命楊思畧甘肅安肅道道尹此令

命 令

命令
大總統令 九月七日

特派張作霖爲東三省巡閱使此令

大總統指令第一千四百七十號 九月四日

令京兆尹王 達

呈報國道修竣擬訂名稱繪圖呈鑒由

呈圖均悉交內務部查照此令

公 牘

● 本公署公牘 ●

呈 大總統爲擇定國道修竣訂定名稱仰乞鈞鑒文 八月三十日

呈爲國造擇要修竣擬定名稱仰乞鈞鑒事民國五年奉 令內開體國經野事重交通故各國於平治道路一端皆銳意經營不遺餘力中國舊日所有官道驛程略具國道之意而僅守前規從無進步因陋就簡識者曠之自輪軌通行形勢迥異全國道路亟應統籌熟計協力興修近將京兆地方定爲自治模範區域道路本在籌辦之列著京兆尹詳查該管地方應行修治之路分別國道縣道兩項悉心規畫樹之風聲其鄉村各路亦即資成區董量爲整理此外各省區道路均歸該地方長官督飭所屬道縣分別緩急次第籌辦此令等因奉此溯自匠人營國司空視途古昔盛時重視交通設有專職是以齊歌有蕩周頌如砥覽風詩所記載見路政之修明近世紀東西各國日趨進化軌道固枝幹相銜馳路亦蕩平如拭加以修治保養定有規條燦然明備我國良法久湮固非一蹴所能幾及惟京兆地方附近京畿觀瞻所繫自應切實籌措擇要分別勸修遽即先將青龍橋經沙河至小湯山馬路修竣嗣於上年水災以工代賑案內會商熊督辦希齡將西山一帶及通縣道路先後興築現在由小黃村至青龍橋一段業經熊督辦派員驗收並咨交接收管理其由朝陽門至通縣一段定於本月三十一日會同收工至阜城門至小黃村一段約月餘亦可告竣應一律規定名稱除青

公 牘

三

龍橋至湯山馬路定為湯山路外當即會商熊督辦擬定小黃村至青龍橋馬路為仁慈路阜城門至小黃村馬路為德惠路朝陽門至通縣馬路為博愛路定名之意或係名勝流傳或寓工賑紀念計此後照來撰往無不耳熟能詳惟是路工告竣保路養路尤為重要由建設法養路收捐藉資持久一面續行規畫推廣以利交通庶幾良規具在不愆七軌九軌之遺率屬條除可師九月十月之例用副 大總統百度維新坦蕩示民之至意所有國道修竣並擬定名稱緣由理合繪圖呈請 大總統鈞鑒謹呈

呈內務部呈復飭查武清縣丁瑞等呈請撤銷縣署處分丁斬莊廟產一案文九月五日

為呈復事案奉鈞部第三六二號訓令內開前據武清縣民人丁瑞等呈請撤銷縣署處分丁斬莊廟產原案更為決定等情業經批示先赴該管上級衙門提起訴願在案茲復據該民等聲稱呈奉該尹署批示所請著無庸議等語陳請訴願等情前來查該民等所呈各節果否屬寔及該尹對於此案已否決定未便僅據一面之詞遽予受理合亟抄錄該民等先後來呈令仰該尹詳切查復以憑辦理等因奉此查前武清縣大城隍國民學校學董劉景貞等呈指丁斬莊干顯榮等違背公布阻撓提款懇請委查核辦等情到署當經令委視學員張鶴浦會同該縣知事調查明確秉公處斷旋據該視學員呈覆當即令行該縣查核辦理尙未據覆復據北斬莊丁萬禮等呈稱分配公產辦法仍失情法之平懇請派委澈查以維學務等語又經併案令行該縣嗣據該縣呈覆並附處分書到署本尹詳查先後情形該縣所具處分理由尙屬充分當即令准如擬辦理在案茲奉前因合將先後原呈並視學員復呈縣知事處分書一併錄呈鈞部鑒核謹呈

訓令平谷縣知事據視學兼視財政員張鶴浦呈送調查該縣地方財政報告書抄單令

仰閱看文 八月二十一日

據視學兼視財政員張鶴浦呈送視查該縣地方財政報告書前來內稱該縣地方會計正經理徐樹本並不常駐經理處各村公款公產不報尙多隨糧帶征內有租籽地四百頃每畝二枚應征銅元八萬枚五六兩年均未征訖故減收六百餘元若設法整頓收數當可增加出納手續尙欠完全各等語查正副經理員職務至爲重要未便任令擅離應行責令常川到處視事至出納手續尤當按照章程辦理不得自爲風氣仰即從速設法整頓勿得稍有延誤並將整頓情形聲復及核報告書摘抄隨發此令

附單

視查平谷縣地方財政報告書

- (一)該縣地方款項完全劃交經理處經理員當能負責惟正副經理均係新任事正經理徐樹本未見並
不常駐經理處副經理則以第一區區董王進元兼任之常駐經理處辦事但地方人多有不滿意者似
亦持消極態度將來能否負完全責任尙難逆料
- (二)查賬員早經派齊前經理員交代之先曾經實行查賬一次經理處所實行經理者大多數係教育經
費警款則虛領虛解自治則無甚款項自無吟城之可言
- (三)各項收入在預算以外者各村公款公產隱匿不報者尙多調查而提歸公益似屬可添籌之款在預

公牘

五

算以內者隨糧帶征內有租籽地四百頃每畝二枚應徵銅元八萬枚五六兩年均未徵訖故減收六百餘元若設法整頓收數當可增加

(四)經理支付款項尙無出於預算及追加以外者其出納手續按之定章究未完全如新式賬簿及納款三聯單等均未置備

(五)征收手續現在改良者警款開支向由經理處開出收據交與警察所自向各村催收茲已呈准將警款收據移歸警察所自開自催收訖後照預算數目由經理處列表呈報以符虛領虛解辦法而省周折

訓令密雲縣知事據視學兼視財政員張鶴浦呈送調查該縣地方財政報告書抄單令

仰閱看文八月二十一日

據視學兼視財政員張鶴浦呈送視察該縣地方財政報告書前來內稱該縣地方會計經理處經理款項手續不甚清楚各項收入在預算以外可添籌者如屯豆折價隨糧帶徵戲捐等其中不無中飽侵蝕之弊若設法整頓收數當可增加又該縣每月行經理處文件內開隨糧帶徵一成牙用稅契串底三項惟帶徵款實行交經理處其餘二項則另行存儲應一併交出各等語合將報告書隨文抄發令仰該知事即便查照書內所稱各節即行設法改良認真整頓務使所頒章程與事實接近須知章程原爲實施非以虛設要在盡力推行其正經理員如果難期有爲自可量予撤換再契稅一成牙用早經部令取消並已通令各縣改征契稅一成附加稅在案現在何以復有此項名稱應併聲復核辦切切此令

附單

觀察密雲縣地方財政報告書

(一)該縣地方款項自去冬雖實行劃交經理處經理但手續未甚清楚經理武錦人太忠厚雖欲負責殆有不能完全負責者

(二)查賬員雖經派齊然警款概用虛領虛解辦法不歸該處實行經理自治無甚存款故警界自治界之查賬員對於經理處收支款項若漠不相關尙未履行查賬職務經理處所實行經理者概屬學款故惟學務查賬員每月實行查視

(三)各款收入在預算以外所可添籌者一屯豆折價每年征解百四十二元按各堡所納約在二百元左右其中不無中飽擬實行整頓以其盈餘充作女學經費至預算內可增加之數一隨糧帶征按新五年度預算列三千五百八十四元該縣地畝約在二千頃左右每畝銅元三枚約可征銅元六十萬枚以銅元一百二十枚折銀元一元約可得五千元惟科房所開數目往往不寔不盡又藉口於奇零地畝太多凡不及一畝三分之一者免征學費以爲影射之地茲該知事令學務查賬員及經理處將科房紅簿及串票存根通盤核對澈底清查並議定凡一分以上者按寔數征收一分征制錢三個二分征制錢六個餘類推)不及一分者始免征學費如此整頓收數定可增加一歲捐前由勸學所征收時每年收至二百餘元新五年度列百八十元今所收有限較預算數相差甚遠蓋以改歸縣署征收假手差役難免遺漏侵蝕之弊若設法整頓收數當亦可增加也

(四)該縣經理處之支付尙無預算及追加以外者然其出納手續多未能按照出納章程辦理除流水總簿改用新式外若分類新式賬簿及收支三聯單尙未完全施行一也帶征學款由經收入隨時送商號存儲取得商號收據逕送縣公署不即時通知經理處必俟月終或至次月始由縣將總數令知經理處二也查每月令經理處文開隨糧帶征一成牙用稅契串底三項惟帶征款實行交經理處其餘二項則另行存儲以備辦理選舉之用三也

(五)征收手續有應改良者如添置分類新式賬簿完全使用三聯單款送商號取得收據即時通知經理處征收一成牙用及稅契串底各款宜同隨糧帶征實行交出即有追加用途宜按支付手續向經理處支領此皆宜改良者

訓令二十縣知事本公署訂定改組京兆通俗教育講演員辦法仰即轉飭遵辦又八月二十三日

案查前據京兆勸學聯合會呈送議決改組通俗講演建議案並據京兆通俗教育進會呈改組通俗講演意見各等情到署查通俗講演自裁員減薪之後改絃更張詢關切要惟兩呈所擬辦法均本體適宜應俟本公署另定辦法再行飭遵當經批示印發在案茲由本公署體察情形訂定改組辦法十項併定於九月十五日按照辦法第一項舉行甄別凡現充各縣講員者均限於九月十二日親來本公署報到未經甄別以前仍暫照舊供職其有通俗講演畢業現在未充講員志願甄別者聽除甄別規則俟該員報到時再行發給外合行抄發辦法十項令仰該縣即便轉飭該講演員遵照辦理切切此令

附辦法

整頓通俗講演辦法

一甄別講員 就各縣講員中嚴行甄別錄正取十人由本公署委充講員其餘分數及格者列爲附取遇講員有缺額時挨次遞補甄別之法如左

(甲) 筆試 講稿一篇 (乙) 口試 實地講演

前兩試各定分數而平均滿六十分者爲及格

一分組巡行 講員十人以二人爲一組每組巡行四縣每年由本公署指定一次

一酌定講期 農忙之時無暇聽講每年擇農隙期間出發三次第一次春季一個半月第二次夏季一個半月第三次秋末連冬季三個月合計全年講期六個月

一儲備資料 講員於前項出發期間外應編輯出發時所用講演資料送由本公署編纂會選其適用列入講演彙編併可則其較有興趣者另印單篇分交講員於講演時散給鄉民俾得傳觀以助講演之不及能加入插畫尤妙

一添補助品 每組添置留聲機及旗幟等物以便招致聽講之人而助興趣

一增加薪費 講員十人每人月薪二十元再增加出發期內之旅費每月四十元十人全年共支薪水旅費四千八百元餘九百六十元爲添置補助品及擇印單篇之用

一講演地點 各縣須於城內及繁盛村莊預先擇定講演適用地點若干處俟講員到境後告知由講員酌量分赴講演其講演地方併須派警到場維持一切

公議

十

一稽核手續 講員於每在一縣後照章填表直接呈報本公署併由勸學所將其講演情形摘要呈由縣知事呈報本公署以資考核

一規定獎懲 講員之實心任事與但事敷衍無獎懲以策其後則相率萎靡應另由本公署擬定單行章程公布施行

一另定詳章 關於通俗講演之詳細章程由本公署另行擬定於委定後公布之

訓令師範學校中學校甲種農業學校准教育部咨國文科教員講解改創應令一員專

任文八月二十四日

案准教育部咨開按國文教授法原視學生資性之高下學力之淺深先示以一定之法程後施以相當之練習循序漸進迎機利導故効力之所著得之於講解者半得之於改創者亦半蓋讀文與作文時有互相聯絡之關係斯教者與學者必有統一貫注之精神庶幾洞見癥結易施鍼砭近查各省區中等學校關於國文科多有將解改創二者各以一教員擔任即令兩員皆稱其職各竭所長究之聽講時之領悟敏鈍衡文者不能盡知其材下筆時之規律出入司講者不能悉正其失似茲紛歧隔閡貽誤必多嗣後各校國文教科在一班中講解改創二者應令以一員專任月薪數目自可酌量增加不按授課時數計算若原係兩員分任即可以兩員之薪併歸一員庶學者本所講以發爲文自覺軌轍之易合教者徵所以施所講益徵病藥之相符以祛窒礙而速效益相應咨行貴公署轉令各校遵照可也等因到署除分令外合亟令仰該校遵照辦理並將遵辦情形呈覆備查切切此令

訓台宛平等十九縣知事據京兆清查官產處呈據大興縣分處呈報已革催役破壞旗

租各戶留佃情形請通令查辦仰即遵照文八月二十八日

據清查官產處呈稱案據大興縣清查官產分處呈報已革催役破壞旗租各戶留佃情形擬請通令查辦以資整頓免碍進行事案據大興縣清查官產分處呈稱據第五區警察所長武士斌文稱三月三十日晚六時有已革催役金永祥來所持有于舊年四月間已處分馬泰春旗租票抵價並聲言處長令伊來要等語分所長當即告伊此項旗地已于舊年四月間處分清楚無法作抵不意該革役始則怒不可遏繼則出口不遜官飭警推出伊即大聲喧鬧咆哮聲稱即槍斃伊亦不畏等語伏查該革役屢次找向薛大人庄處分業戶馬泰春家勒索搗亂並言雖係買過亦得交租非令爾一馬二頭不可即俗謂一地二租也該業戶懼甚屢次來所懇乞退還處分部照并原價情甘不要以免拖累分所長當以好言安慰處分旗租與民有益無損况且鈞處均有煌煌布告期無反汗該業戶始疑信而去再查該項租地于六年四月處分該革役持有六月租票未悉先既處分何以後又撕出租票甚為不解但該役在警所尙敢肆無忌憚對于民人強橫不問可知窺其用意非使警所與業戶雙方均不敢處分而後已若不重懲該役所有未來處分各戶皆將觀望不前均將處分旗租視為畏途等情到處查大興縣八項旗租數僅二百七十餘頃開辦至今處分不及十分之二雖去年天災人禍迭出不測民力不逮亦由各催頭暗中阻撓鼓惑以致鄉民裹足不前蓋以各催頭到鄉昔日習慣收租以銀計算不免欺朦鄉民從中漁利多取長官遠莫能察鄉民苦無從訴由來已久雖欲整頓苦於積重難返一旦處分不免失其利藪百端簧鼓勢所必至現第五區既發生催頭作梗情事幸該區警察分所所長武士

斌協助勸導毅力果行不畏強禦首先發難查前次邀集各區紳董開會亦以催頭反對留佃必須戡其氣燄方克有濟即此次主任親赴四鄉催導各村正副社首人等無不以催頭欺壓喝嚇設一旦留佃不特百方破壞且恐借端施其毒手幾於異口同聲此最爲留佃之阻力竊謂處分旗租迭奉部令嚴催速辦利國益民已與尋常新政不同該催頭等竟敢從中阻撓破壞鼓惑欺壓即屬妨害公務此等蠢役若不嚴懲一二將來留佃受其影響難收如何效果除由知事將革役金永祥傳案按律嚴懲外想各縣催頭似此情形者諒亦有之應請轉呈京兆尹憲通令各縣嚴行查辦有犯必懲等情據此查金永祥以已革催役鼓惑癢愚破壞留佃實屬妨害公務前據該分處呈請鈞署核示業奉令飭大興縣知事提案懲辦在案各縣催役難保無前項情事若不嚴行查辦于國家收入影響甚巨理合呈請鑒核俯賜通令宛平等十九縣知事遵照等情據此除分行外合亟令仰該知事即便切寔查明如有催役阻撓情事應即分別提案嚴懲以儆效尤切切此令

訓令寶坻縣知事准督辦京畿水災河工善後事宜處咨本處現擬將平糶餘糧分撥被

災較重各縣爲冬賑之用仰即派員領運文

八月二十六日

案准督辦京畿一帶水災河工善後事宜處咨開案照上年京畿水患奇重所有被災各縣雖經迭施振濟籌辦平糶惟近調查及各團體報告積水未退之縣尙復不少此等被災較重之區春麥秋糧概未播種將來冬令自必更形困苦現值國庫空虛財用維難屆時再由公家擔任鉅款辦理冬振竊恐財力必有未逮查本處糶糧結束後約計尙存八百萬觔前經咨明在津出售在案惟此際糧價本已低落再驟以多數糧石售之市間糧商任意抑價公家所損實多既有上述情形似可將此項餘糧先行提出一萬六千石分撥災重之文安

四千石寶坻四千石靜海二千五百石安平三千石天津二千五百石安爲存儲用作冬賑之需似此變通辦理入冬民食既可資接濟公家亦免另籌款項於財用民食兩有裨益業經擬具辦法咨准直隸省長贊同在案相應將此次辦法咨送查照希即見復以便會呈辦理並希轉令寶坻縣迅速派員來津領運是所至盼等因准此除咨復外合即將擬定辦法令行該縣仰即遵照迅速派員赴津領運分撥餘糧四千石安爲存儲聽候散放并將此項糧石運到縣隨時呈明以憑核辦此令

附辦法

糶糧留充冬振撥存文安寶坻安平靜海天津等縣辦法

- 一撥存此項糶糧之以上各縣均以積水未退本年未能耕種之處爲標準
- 二撥存之糶糧以各縣舊有倉廩及其他公共場所爲儲積之地
- 三所撥該縣之糧係爲籌備冬振不供該縣地方其他之用
- 四此項撥糧將來如何動用應候省長指示
- 五各縣派員領取存糧時具結存案如有顆粒未書乾潔及曾經受潮不能久儲者應當時剔出
- 六各縣領到撥存糶糧後應妥爲存儲如有霉變短少情形由縣知事負完全責任

訓令大興等十九縣知事准教育部咨請造送五年度外人設立學校調查表仰即查填

以憑彙轉文八月二十九日

公牘

案准教育部咨開為咨行專案查各省辦理教育統計例應另填外人設立學校調查表報部歷屆統計均係照此辦理現查貴省五年度此項調查表尙未准填送到部相應咨請飭屬趕造報部以憑彙編毋任延誤此咨等因准此除分行外合行令仰該縣查照前文將五年度外人設立學校迅速調查照上屆表式悉心填造限文到十日內呈送來署以憑彙轉切切勿延此令

訓令通縣知事准教育部咨僧人信然等捐貲興學准照人民請獎令發褒章仰即轉飭

祇領文八月三十一日

案查前據該縣呈稱僧人信然等捐貲興學請予獎勵一案當經據情咨部核覆在案茲准覆開查僧人捐貲興學與普通人民事同一律自應按照褒獎條例核給獎勵相應咨覆查照辦理可也等因到署查僧人覺祥捐貲三千元核與重修捐貲興學褒獎條例第二條第五項之規定相符應行咨部給獎至僧人信然捐貲七百一十元茂林捐貲六百一十元均核與褒獎條例第二條第三項之規定相符應由本公署各獎給銀色一等褒章以昭激勸獎件隨發仰即轉飭祇領仍將轉發及收到日期由縣呈報備查此令

指令懷柔縣知事呈送七年度學務計畫第二期進行說明書請鑒核備案文八月二十二日

呈及說明書均悉該縣對於學務分期籌設劃一內容辦法尙屬妥洽仰即督促辦學員紳竭力進行期收實效此令說明書存

附原呈

呈爲呈請備案事竊屬縣前擬具七年度學務計畫業經呈奉批准在案謹查本年六七兩月爲第二期籌備時期知事遵即會同勸學員紳妥善籌畫如支配校數按本年新成立之國民學校五處不計外按村莊大小戶口多寡比較有一村可獨立一校者有二三村合立一校者分別支配約計可以分期再設立國民學校十七處無有不滿三四十戶之村莊而又散落亦無附近村莊者再尙有插花村約三十餘處內多半屬懷柔半屬密雲或半順義召之不至傳之不來互相推諉觀望殊難勸導一律暫擬均從緩議所有委派學董籌備校址整頓學款劃一教科書課程校具等均已次第籌備妥協茲將本期籌辦情形擬具進行說明書繕具清冊理合備文呈請鑒核俯准備案指令祇遵謹呈

指令永清縣知事呈勸學所長晉蔭槐等熱心興學成績卓著請給獎文八月二十三日

呈暨清摺均悉該縣勸學所長晉蔭槐勸學員楊敬輿熱心興學洵堪嘉獎應准查照地方興學人員考成條例第三條之規定晉蔭槐給予金色獎章楊敬輿給予一等褒狀以示獎勵而資鼓勵獎件隨發仰即轉飭祇領仍將收到及轉發日期由縣具覆查核至勸學員王棧樸業於本年由視學員張鶴浦查明呈准獎給金色獎章在案爲時未久未便再行給獎所請從優獎勵之處應毋庸議此令摺存

指令永清縣知事呈爲設置保安警察隊並籌的款文八月二十三日

據呈已悉准予備案此令

附原呈

呈爲呈請事查京兆各縣警察編制原有保安警察隊之設置以備偵緝盜匪防患未然法良意美惟永清

公牘

十五

獨付闕如殊爲缺點歷來辦理盜案只有舊日之捕役改爲偵緝隊藉供使令自知事到任雖拿獲巨盜數名先後依法懲辦惟該隊習於舊染品類不齊訛詐之風仍難盡免所以然者以工食菲薄不足以養其身家而惡習既深與性成者尤難改革知事曾大加裁汰於舊日偵緝隊嚴加考覈擇其經驗素富性質較良素無過悞者只留二名每月捐廉發給洋五元旬月以來尙稱得力惟人數既少際茲鄰境盜案迭起謠言不息輒有池魚殃及之虞知事爲慎重捕務起見特又招募資質幹練身家清白之人四名連原有二名重行改編定名爲保安警察隊專以偵探刑事案件及巡緝匪隊爲職務特永邑警款本屬支絀再添此六名保安警察薪餉所需月非三十元莫辦自非另籌的款難以維持知事再四籌思查他縣有征收行政稟紙紙價之例擬一切行政稟紙悉由縣署印售每張收銅子十五枚除去印工紙料所得贏餘悉數撥作保安警察費用計是項收入每月約十有餘元尙有不敷之數暫由行政費用節省項下撥補總以足用爲止知事迭將是項計畫諮詢地方紳董意見僉以緝務認真與否與人民有直接利害關係歷查從前緝務廢弛之年境內鉅案迭出匪隊橫行迄今痛定思痛深滋遺恨是項征收爲數有限裨益捕務當非淺鮮是以僉無異議知事以現正緝務吃緊之時既地方紳董贊成斯舉即擬於九月一日開始征收稟紙費公布實行是項收入按月悉數撥歸地方會計處列於警款下預算追加所擬是否有當理合具文呈請鑒核示遵再縣城現編臨時警察十一名由紳商捐助餉項與保衛團呼應一氣地方賴以乂安合併陳明謹呈

指令霸縣知事呈據勸學所呈國民學校簡章擬增加一條請備案文八月二十六日

呈代用國民學校簡章擬增加一條等情已悉查核當屬可行應准備案仰即轉令知照此令

附原呈

呈為呈請備案事據勸學所所長崔汝護呈稱竊代用國民學校簡章業經公布施行在案惟第六條所定學生名額於戶口稀少村庄往往辦理不到擬請追加一條以資變通而資普及其餘其內稱其有未設立學校村庄在二十戶以下四十戶以下者學生名額得暫定為十五人以上於開學後由勸學所查驗呈報酌量由公款中發給津貼其不足二十戶者或數村合立一校或附於鄰近大村學校等情知事覆核所擬條文尚屬可行除督飭該所長積極進行務期普及外理合具文呈請鑒核備案謹呈

指令京兆森林事務所所長李謙光呈送七年度預算及造林計畫書等文 八月二十六日

據呈送七年度經常費預算書等件到署查所列預算經常臨時各費大致尚屬相符應即照准造林計畫書亦屬切實可行七次兩月經常費照發仰即來署具領可也此令

附計畫書

京兆森林事務所中華民國七年度造林計畫書

一 職員之設置 第二林場係由第二森林事務所改組舊有苗圃及各區樹株擬設事務員一員常川管理第四林場遠在密雲擬遵簡章第十四條之規定請憲台委託該管地方官仍舊經理第一第三各林場因據節經費未能設置專員擬各用工頭一名藉以助理謙光每月巡視一次督飭進行至於本所各項事宜擬遴選技術兼事務一員分別掌管以資佐理如此員額減少可節經費

公

十七

一 林夫之分配 僱用林夫擬在地壇四人第二林場三人第一及第三林場各二人就林夫中造林熟練者選充工頭率領林夫實地作業並由技術員詳細指導及各職員隨時監督以便造林

一 地址之勘定 內壇土地平衍肥沃培養苗木頗屬適宜擬將全面積劃歸本所本年秋間暫墾五十畝以備種植其餘隙地分年進行至於各林場亦按舊有地址逐漸擴充

一 房屋之修理 擬將附近鐘樓之南屋五間築壁二間為職員宿舍其餘三間為辦公室用開窗宜五建戶宜三周圍墻垣酌為塗補東西院門亦宜購置林夫住室及儲藏各室擬用附近宰牲亭屋總期補苴罅漏略事修理以便應用至於用款數目載在臨時預算書內

一 苗圃之佈置 擬墾宰牲亭以西之地二十畝平均劃分甲乙二區甲區移植乙區播種並於乙區內劃分若干小區構造苗床分類培養藉以試驗本年秋間即種千松及象樹等

一 桑園之開闢 擬墾辦公室以東之地三十畝平均劃分三區來春栽植早生中生晚生等桑以備提倡蠶業之用

一 苗木之栽植 由第二林場出扁栢四萬株移植苗圃桑秧一萬五千株栽植桑園刺槐三千株定植地壇內外馬路並擬用楓梓榆槐等各種苗木試造模範林數處以壯觀瞻藉資提倡

一 子種之選擇 選擇子種宜適於種植本林場之土地為宜特別子種如皂莢鹽地樹楓梓等酌為購買以便應用普通子種為扁栢刺槐果松等現擬及時採集除留用外餘則廉定價值附編造林淺說呈

請憲台令行京兆各縣轉達農會購取藉以推廣林業

一 林場之進行 第一林場原分五區除剪補移植修濬溝洫外擬自第五區以東循土城之陰定植山榆刺槐二里第二林場地係砂礫原分七區除栽補修剪外擬全行施肥助其發育而舊有苗圃仍專育苗以備移植之用第三林場在山之麓地表下層係屬砂礫上層土質凝固考其原因殆未完全風化致欲實行測量劃分四區除將舊有苗木整理外擬暫栽一區並開設苗圃培養能耐乾燥之樹如赤松白樺落葉松等可期異日就近栽植以適土地之宜

以上林場就各區言林相擬取單純

一 荒地之調查 凡京兆童山荒原之堪造林者本所調查確切呈請憲台核奪施行以便分年籌畫

一 成林之期限 遵照簡章第五條之規定本年度之分區辦法已載本計劃內其餘造林之預備地分年進行扣至民國十六年為完全成林之期

一 標本之陳列 擬會同京兆養濟院修理皇極室為陳列室徵集林產之主副物逐加說明任人參觀藉以灌輸造林之觀念並希傳達造林之方法修理陳列室之用款尙未預算擬同養濟院會銜呈請

指令京兆清查官產處呈據大興分處呈報已革催役破壞旂租各戶留佃情形請通令

查辦文 八月二十八日

據呈已悉仰候通令各縣一體遵照此令

公 報

卷二

三六

指令永清縣知事呈為辛屯國民學校教員李正倫捐貲興學請給獎文八月二十八日

呈表均悉該縣辛屯國民學校教員李正倫捐助該校學款大洋百元熱心教育洵堪嘉獎應准查照教育部修正捐貲興學褒獎條例第二條第一項之規定給予銀色三等褒章以激勸獎件隨發仰即轉飭紙頓仍將領到及轉發日期由縣呈覆查核此令事實表存

指令房山縣知事呈送改築女看守所及修補獄墻工程估計書文八月二十八日

呈書均悉該縣擬修葺監獄並添修女看守所墻屋估計工料共需洋四百六十元有零請由司法收入項下動支應予照准一俟工竣後仍將實支數目若干造具清冊連同單據呈送查核以憑備案并仰補報高等檢察廳令遵查存此令

附原呈

呈為呈送工程估計書請鑒核備案事竊查房山縣公署向未設有女看守所遇有刑事訴訟女犯在未決以前若任其取保恐有希圖逃匿之虞勢必管押然又無處收容殊覺困難茲查縣署宜門外有管獄員辦公處房屋一所除該員佔用外此院迤西尙餘空地及西房二間此房失修坍塌不堪居住擬將此房修補改為女看守所並於西房之北旁築廚房一間西房之東面外築南北大墻一道北墻南首安設木柵欄門一座即經知事招工確審估計應用各項材料及工資共估計需洋二百五十元零四角當將該所應行事務責成管獄員擔負經該員招募女看役一名作伴女犯外設男看役一名在於該所墻外住宿該兩名年齡均在五十歲以上已經驗充分別經理該所事務復查舊監獄一封內西面圍墻本係土築因雨水過甚

忽然坍塌又幾墜落甚狹有碍衛生擬願填墻再展寬八尺另築以期寬敞而昭鞏固亦經招工估計共需洋二百十元零二角五分經知事核實後因監獄重要已先行動工修補此兩項工程統共估用洋四百六十元零六角五分此事已由司法經費項下先行挪墊一俟遇有罰款再行抵補另文呈報外所有籌設女看守所及修補監獄內西圍墻工程需款數目理合繕具工程估計書一併具文呈報尹堂鑒核俯賜備案並飭緝銀局匯請呈

指令昌平縣知事呈送更正七年度地方預算預計書文 八月二十日

據呈送更正七年度地方預算預計書尙稱詳盡核計歲出入總計均爲三萬七千四百四十七元收支尙稱適合准如原案宣告成立惟預算總說明書內所查第一第二兩條尙有誤會之處合再另單附仰即遵照辦理毋違切切各書均存此令

附單

昌平縣七年度地方預算書應行查明及修正各一條

(一)預算說明書內聲復該縣六年度地方預算歲出入總計爲三八三四六元業於本年二月一日將更正預算書連同預計書一併呈送在案等語查此項更正預算書本公署並未收到如舛錯應即查明并應將各該更正原書抄送備案

(二)預算說明書內聲復上年度尙餘洋二百五十五元已遵令歸入六年度決算案內一節查此項餘款既已歸入決算案內辦理自是正辦惟本年度預算應以六年度預算爲比較故上年度預算各數無論或盈

或虧不得稍有增減仍應照列預備費一項

指令永定河防局長呈報委令南六工管河縣佐張拱辰仍回本任文八月三十日

據呈已悉此令

附原呈

呈為呈報事竊查南六工縣佐張拱辰於本年三月間奉督辦熊委充永定河籌勸宣防委員所遺之缺業經呈明委令候補縣佐孫惟熙暫行代理在案茲准春工督察所咨稱張縣佐拱辰前經呈准調所供差現在該員經手事件均已完竣咨回供職等因准此查現時正值大汛期間一切防務關係重要自應飭令速回本任以專責成除由局長委令回任外理合呈報憲台查核謹呈

指令永定河防局長呈報北六工管河縣佐陳鹿岑因事撤任遺缺請以陶文灝借署並

請加給委令文八月三十日

據呈北六工管河縣佐陳鹿岑因事撤任遺缺請以陶文灝借署并請加給委令等情均悉應併照准委令隨文發給仰即遵照此令

附原呈

呈為呈請事竊照北六汛署私用官料身與其事之工巡兵王鳳林等業經分別斥革該管縣佐陳鹿岑等無可辭應請即行撤任所遺之缺查有前署北岸理事陶文灝熟悉河務辦事認真堪以借署除由局長先行委令赴任外理合呈請憲台察核俯賜加給委令實為公便謹呈

批劉文祥呈爲准認款投標承充牙稅商人文八月三十日

呈悉查順義縣得標牙商劉漢臣是冒名頂替已飭財政廳查明核辦如果屬實自應照章取銷另行招商投標該商即願承充仍須遵章投標取得所請認繳銀洋一萬三千四百元批准之處與定章不合應毋庸議此批

批畢業生林揚惠呈爲文憑被劫請補給文八月三十日

據呈已悉查前順天高等學堂於民國元年以前即已停辦現在京兆第一中學與前校名稱不同學級亦異所請轉飭補給文憑之處應毋庸議此批

批寶坻縣人王維樾呈爲請勿派張萬芳爲寶坻中學校校長文八月三十日

呈悉查委任中學校校長本公署自有權衡非該公民等所得干預至所稱張萬芳在該縣勸學所長任內吞蝕學款等情早經本公署於四五月間一再飭查毫無實據批示在案今該公民等又將舊案重提顯係挾嫌妄瀆所請不准此批

批張珍呈爲張發等侵地霸道請追契查究文八月三十一日

呈悉案關地畝爭執既經在縣涉訟自應靜候判決如有不服情形仰即逕向法廳違章上訴所請追契提案各節本公署未便受理此批

批盧長榮呈爲珍紳賄盜扳良意圖詐財文八月三十一日

公牘

據呈已據縣送獲經安次縣審判在案崔懷禮果有前盜叛良等情仰即赴該縣呈訴聽候訊辦此批

批良鄉縣區董蕭萬亨等呈為再請援案照准酌撥學款添設警察文九月二日

呈遞前據來呈業將學款不能挪用理由詳晰批示應即遵照勿瀆至該區地面果屬吃緊警務亟宜改編應需款項應由地方設法籌措仰即呈請該縣知事妥籌辦理可也此批

批懷永縣代表劉九山等呈訴縣判違法濫押乞撤究文九月二日

呈悉據稱此案業經判決該民等果有不服情形仰向法庭依法上訴可也此批

批孟玉琦呈訴再懇合縣速逐劣丁王大常等情文九月三日

呈悉查此案已令農安次縣呈復該民等所控備管漢人溲天等擾害勸導等情雖查無實據惟既被指控業將王大常陳子芝撤換以息浮言而清訟政等情呈復到署據呈前情合亟批示知照此批

批武清縣人白玉澤呈為隊長左齊芳縱兵毆辱良善請提訊文九月四日

據呈縱兵殃民毆辱良善等情是否屬實此案既經武清縣審訊有案仰候令行該縣知事秉公澈查據寔呈覆核奪此批

● 京兆警備隊總司令處公牘 ●

京兆警備隊總司令處訓令各縣知事定力整頓保衛團警察並與陸軍游緝隊聯絡以

除匪患附發逐日會哨報告表仰即填送交八月二十五日

案查近月以來各縣匪患日滋匪勢日熾本處迭飭各處司令官分所派兵往勦其防務緊要之區益經本總司令咨商陸軍部步軍統領分別派遣正式陸軍及游緝隊前往駐紮協防以期易於撲滅免致星火燎原而各縣請械請兵亦復日繁文牘本總司令以爲匪既聚集之所則派兵勦辦以期掃除固屬本處應盡之責即偶有匪衆出沒之區撥隊防衛以免疏虞亦屬本處當然之職所不可解者現被匪患之各縣知事於匪之未至絕不思防止之方於匪之既來亦初無偵緝之術迨其既去乃又淡焉若忘不復置慮必坐待期重事擾之始以請械請兵卸其責任長此年復一年將匪徒叢雜滋蔓難盡全境悉歸於糜爛各該知事身爲民牧思之寧不疚心耶夫以兵治匪者不過一時救急之務初非根本整理之畫况此類匪衆之所恃僅屬在地之青苗一旦稼穡登場則匪衆且自然遠引而毋有事於兵力舊慣因仍該知事等遂恒希冀夫天幸故以現今匪勢之猖狂推之則平日該知事等對於地方之事漠不關心已可概見本總司令自就職以來迭次飭令各縣舉辦地方巡警及保衛團各該縣文字上之所聲復者無不悉經舉辦緩急可用顧何以一旦匪衆乘時警團皆成無用之長物是則各該知事平日之所事者將毋爲文字之文飾或且徇情而苟安所謂盡心民事時時以己飢已溺爲懷者該知事若未嘗置諸方寸之間也夫匪衆之聚集必鄉村有可靠之窩主而肆行搶掠亦必道路無巡邏之官人故匪衆方得從容以施其殘害鄉村有窩主則保衛團之設爲虛道路無巡察則警察又所司何事古之良二千石亦不過能盡其力使百姓有衽席之安無水火之苦該知事等試自思之今境內之百姓果何如安衽席乎苦水火乎度將無以自解合亟令仰該知事就各該縣所有之保衛團警察等實力整頓以期得用第一要著即在使駐防陸軍及游緝隊警備隊與保衛團警察互相聯絡相輔而行務各盡其職

公牘

二十

助之方庶匪衆之巢可覆而搶劫之勢可衰百姓庶稍可得安枕之望爲此訓令各該知事等務各激發天良自爲振作迅將保衛團警察逐日下道並如何與陸軍游緝隊警備隊聯絡會哨之法定訂簡章安速具議實行尅日呈復勿稍疏懈本總司令將於此規各該知事之振作否也勉之勿忽附發報告表式併仰逐日依式填載呈送本處查核此令

京兆印花稅分處公牘

京兆印花稅分處訓令大興等十九縣嗣後請領印花應仿照固安縣領票手續辦理文

八月二十四日

案查各縣請領印花手續參差不一本處止籌劃一辦法俾便通行茲據固安縣呈領印花先送副領到處俟請領時再送正領騎縫官印對照無訛始將稅票領去此種辦法尙屬妥洽嗣後各該縣請領印花應即仿照固安縣領票手續辦理以昭慎重除分令外仰即遵照切切此令

▲ 報 告 ▼

觀察良鄉縣學務報告書

視學員 劉繼勳

(一) 學務情形

勸學所 所長趙煥文師範畢業歷充小學教員及勸學員有年勇於任事不辭勞怨任職以來純盡義務不支薪俸尤見熱心勸學員蘇九如劉錫恩均師範畢業亦皆辦事認真勤於職務堪稱得人查趙所長任職已二年餘熱心毅力積極進行辦學若此可稱得人惟自費從公勢難持久若非酌給薪水不但無以維持該所長之熱心尤失用人行政之常道亟應照章發薪以明權利義務對待之義而便責成又查該所建築房舍虧款二百餘元均由趙所長個人借貸墊辦以義務所長因公負債揆之情理尤屬不合應由縣從速撥款清還以釋債累

縣立高等小學校附設國民學校 校在城內書院舊址有高等教室三座各三間規模合用國民教室二座第一教室係四間在本校第二教室在文廟後高小分校光線容積均可用高小寄宿舍二十七間尙敷用操場在本校之南院平坦寬敞適宜此外有風雨體操場訓話室會食堂均備操具有啞鈴球竿木鎗其餘如圖書標本儀器以及遊戲器具多付缺如均應擇要添購以求教育上之完全學生高等三班共計八十五人國民兩班共計五十五人校長趙權直隸第一師範畢業管教認真頗有力謀進行之熱念高等教員

報告

二千七

蘇九齡師範講習所畢業甄別合格邱陵中學畢業陳國霖馬廷傑均直隸第一師範畢業國民教員張盤
京兆師範講習所畢業趙植單級講習所畢業本日高小本校正舉行學期試驗高等一年生出席三十人
缺席五人陳教員試修身二年生出席者二十三入缺席二人馬教員試地理三年生出席者二十二入缺
席三人蘇教員課經學問題皆稱妥當國民第一班學生出席二十四人缺席十一人張教員盤試算學出
題有法學生演算亦敏捷分校國民一班尙授課學生出席者十一人缺席九人趙教員植課國文講解尙
可惟教音過低教態板滯毫無精神成績高等班國文大楷圖畫手工可觀者頗多國民生本校一班成績
尚佳分校成績平常經費本校歲支二千四百餘元又分校歲支二百元由來自學費只煤炭費由高小本
校補助而已查該校尙有津貼學生飯費之例此種辦法已爲各縣所無應即裁免節餘之款以備添招新
班之用趙校長已有此計畫但未實行

第一區公立第一國民學校 在城內西關帝廟有教室二座第一教室三間容積稍小光尙可桌凳位亦
可用學生三十五人內有補習生十一人第二教室三間規模合用學生三十五人分三組教員張乃安師
範傳習所畢業副教員熙光師範講習所畢業該校已停課預備考試本日第一教室學生出席者十八人
缺席十七人第二教室學生出席者二十八人缺席七人均在堂上復習國文視學口試各生二三年生回
講欠明白一年生多有不識單字者想見平日教授欠切寔合法四年級生成績尙平安經費爲學費歲支
約二百元

(未完)

京 北 公 報

第四區所管	一三四二二	一三九七三	五六〇
第一款教育經費	九三五〇〇	七七五〇〇	
第一項 邢家編國民學校經費	七〇〇〇	五〇〇〇	
第二項 劉大村國民學校經費	一一〇〇〇	九〇〇〇	
第三項 交通鎮第一國民學校經費	二四四〇〇	二二四〇〇	
第四項 交通鎮第二國民學校經費	一一〇〇〇	九〇〇〇	
第五項 交通鎮李國民學校經費	一四二〇〇	一二二〇〇	
第六項 小高舍村國民學校經費	七〇〇〇	五〇〇〇	
第七項 江村國民學校經費	六五〇〇	四五〇〇	
第八項 蕭莊國民學校經費	一二四〇〇	一〇四〇〇	

良鄉縣七年度歲出預計書

第五十九期

第二款 其他自治 行政經費	第一款保衛團經費	第二項青苗會經費	第三項區董薪金	第四項區董辦公費	第五區所管	第一款教育經費	第一項 實店鎮國民 學校經費	第二項 實店鎮國民 學校經費	第三項 實店鎮國民 學校經費
40622	14640	25982	無	無	127546	74400	19200	7800	8800
62322	14640	25982	14400	7200	133146	58400	17200	5800	6800
					5600				

良鄉縣七年度歲出預計書

京 北 公 報

第四項 小三三國民 學校經費	三六〇〇	一八〇〇			
第五項 後三三國民 學校經費	九八〇〇	七八〇〇			
第六項 丁各莊國民 學校經費	九六〇〇	七六〇〇			
第七項 南莊園國民 學校經費	五六〇〇	三六〇〇			
第八項 大三三國民 學校經費	九八〇〇	七八〇〇			
第二款 其他自治 行政經費	五三一四六	七四七四六			
第一項 保衛團 經費	三二六〇六	三二六〇六			
第二項 青苗會 經費	二〇五四〇	二〇五四〇			
第三項 區董 給薪	無	一四四〇〇			
第四項 區董 辦公費	無	七二〇〇			

良鄉縣七年度歲出預計書

第五十九期

第六區所管	第一款教育經費	第一項 琉璃河國民學校經費	第二項 琉璃河女子國民學校經費	第三項 南洛村國民學校經費	第四項 祖村國民學校經費	第五項 張村國民學校經費	第二款 其他自治行政經費	第一項 保衛團經費	第二項 青苗會經費
一一二八四七二	七三六〇〇	二四六〇〇	二四六〇〇	六五〇〇	一一〇〇〇	七〇〇〇	四四七二二	一一三六二	三三三九〇
一三〇〇〇	六三六〇〇	二二六〇〇	二二六〇〇	四五〇〇	九〇〇〇	五〇〇〇	六六三七二	一一三六二	三三三九〇
一一六〇〇									

良鄉縣七年度歲出預計書

京 北 公 報

第三項 區董薪金	無	一四四〇〇		
第四項 區董辦公費	無	七二〇〇		
第七區 區所管	一〇三二〇〇	一一〇七〇〇	五六〇〇	
第一款 教育經費	五五五〇〇	一四一五〇〇		
第一項 文教村國民學校經費	七〇〇〇	五〇〇〇		
第二項 太平莊國民學校經費	八二〇〇	六二〇〇		
第三項 薛莊國民學校經費	七〇〇〇	五〇〇〇		
第四項 石村國民學校經費	六〇〇〇	四〇〇〇		
第五項 路村國民學校經費	一〇〇〇〇	八〇〇〇		
第六項 等駕林國民學校經費	一二〇〇〇	一〇〇〇〇		

良鄉縣七年度歲出預計書

第 五 十 九 期

第七項 南呂村國民 學校經費	第五項 保衛團 經費	第四項 區董辦公費	第三款 教育經費	第二款 其他自治 行政經費	第一款 水碾屯國民 學校經費	第八區所管	第二項 閭村國民 學校經費	第一款 教育經費	第七項 南呂村國民 學校經費
五三〇〇	八〇〇〇	無	八六八〇	四七六〇	七四〇〇	一三六三〇	九二〇〇	八六八〇	五三〇〇
三三〇〇	八〇〇〇	七二〇〇	六六八〇	六九二〇	五四〇〇	一三七九〇	七二〇〇	六六八〇	三三〇〇
						一六〇〇			

良鄉縣七年度歲出預計書

京 兆 公 報

第三項 長羊國民 學校經費	第九〇〇〇	七〇〇〇			
第四項 張莊國民 學校經費	九〇〇〇	五〇〇〇			
第五項 吳莊國民 學校經費	一〇〇〇〇	八〇〇〇			
第六項 妙米店國民 學校經費	一一〇〇〇	九〇〇〇			
第七項 黃辛莊國民 學校經費	六〇〇〇	四〇〇〇			
第八項 安莊國民 學校經費	八〇〇〇	六〇〇〇			
第九項 小董村國民 學校經費	九〇〇〇	七〇〇〇			
第十項 大紫草莊國 民學校經費	八二〇〇	六二〇〇			
第二款 其他自治 行政經費	四九五〇	七一〇〇			
第一項 保衛團 經費	二四七〇	二四七〇			

良鄉縣七年度歲出預計書

